



ANDIJON VILOYATI ASAKA TUMANI HOKIMINING QARORI

Asaka tuman, Sohil bo'yi ko'chasi, 2-uy

2023 - yil 25 - fevral

21-1-17-Q/23

Asaka tumani hokimligi

Асака туманидан ўтувчи умумий фойдаланишдаги автомобиль йўлларига транспорт ҳаракатларини тартибга солиш мақсадида 3.27 “Тўхташ тақиқланган” йўл белгилари ўрнатилишига рухсат бериш тўғрисида

Асака туманидан ўтувчи автомобиль йўлларида транспорт воситаларининг ҳаракатланишида тирбандликлар юзага келишининг олдини олиш, пиёдалар ва транспорт воситаларининг ҳаракат хавфсизлигини таъминлаш мақсадида, Асака туман Ички ишлар бўлими йўл ҳаракати хавфсизлиги бўлинмаси бошлиғининг 2022 йил 3 октябрдаги 36/05-225-сонли алоқа хатини кўриб чиқиб, “Автомобиль йўллари тўғрисида”ги Қонунининг 7- ва 20-моддалари, Ўзбекистон Республикаси Вазирлар Маҳкамасининг “Йўл ҳаракати қоидаларини тасдиқлаш тўғрисида” 2015 йил 24 декабрдаги ВМ-370-сонли ҳамда “Йўл ҳаракати қоидаларини тасдиқлаш тўғрисида” 2022 йил 12 апрелдаги ВМ-348-сонли қарорлари ва Ўзбекистон Республикаси “Маҳаллий давлат ҳокимияти тўғрисида”ги Қонунининг 6-, 25-моддаларига асосан,

ҚАРОР ҚИЛАМАН:

1. Асака туман Ички ишлар бўлими йўл ҳаракати хавфсизлиги бўлинмаси бошлиғининг 2022 йил 3 октябрдаги 36/05-225-сонли алоқа хати маълумот учун қабул қилинсин.

2. Асака туманида транспорт воситаларининг ҳаракатланишида тирбандликлар юзага келишининг олдини олиш, пиёдалар ва транспорт воситаларининг ҳаракат хавфсизлигини таъминлаш мақсадида:

- 4Р-112 “Фарғона ҳалқа йўли” автомобиль йўлининг 163-164 километрлари (И.Бухорий кўчасидаги “Азизбек” номли ошхонадан “Анҳор” номли ошхонагача) оралиғига;

- “Амир Темури” маҳалла фуқаролар йиғини “Иқбол” кўчаси худудидаги автомобиль йўлининг (“Асакабанк” дан “Хумо” тўйхонасигача) оралиғига;

- 4Р-112Е “Асака шаҳрига кириш” автомобиль йўлининг 2-3 километрлари (Хумо кўчаси, “Uz Auto Motors” АЖ олд томони) оралиғига 3.27 “Тўхташ тақиқланган” йўл белгилари ўрнатилишига рухсат берилсин.

3. “Асака тумани йўллардан фойдаланиш” унитар корхонаси томонидан тегишли йўл белгилари ўрнатилсин.

4. Асака туман Ички ишлар бўлими йўл ҳаракати хавфсизлиги бўлинмаси ушбу ҳудудда ҳаракатланувчи транспорт воситалари томонидан мазкур йўл белгиларига қатъий риоя қилинишини ҳамда ҳаракат хавфсизлигини таъминласин.

5. Асака туман ҳокимлиги матбуот хизмати ушбу қарорни ахборот воситаларида ёритсин, Умумий бўлим қарорни бир кунлик муддатда давлат ҳисобига олиш мақсадида туман адлия бўлимига ва тегишли ташкилот раҳбарларига етказсин.

6. Мазкур қарор оммавий ахборот воситалари орқали эълон қилинган кундан бошлаб кучга киради.

7. Ушбу қарорнинг ижросини назорат қилиш туман ҳокимининг биринчи ўринбосари – шаҳар ҳокими У.Балтабаев ва туман ҳокимининг ўринбосари Д.Маматов зиммасига юклатилсин.

Туман ҳокими



Б.Х.Умматов